

Кўкрак тўла кайгу кишининг ўзига ўзи эгалик килишига кўймай, танасини сиркиратиб, бўгинини куриптиб, ё кўздан ёш бўлиб оқади, ё тилдан сўз бўлиб оқади. Козоклар: “Э, Худо, мени ёш боладай кайгусиз килгин!”- деб тилак тилаганини ўзим кўрдим. Буниси гўё уларнинг ёш боладан кўра эсли киши бўлиб, билмайдиган нарсаси йўк, кайгуга ботган киши сингани. Кайгуси нима экан десанг, маколларидан биларсан: аввали – «Тушгача умринг колган бўлса, бир кунлик мол йиг», «Ўзингда йўк бўлса, отанг хам ёт», «Мол – одамнинг бовур эти», «Моллининг юзи ёруг, молсизнинг бети чорик», «Эр озиги билан бўри озиги – йўлда», «Эрнинг моли элда, эрингнинг моли кўлда», «Берган – парда бузар», «Олагон кўлим – берагон», «Мол топган эрнинг ёзиги йўк», «Бойдан умидсиз – Худойдан умидсиз», «Корнинг очса, кўринган уйга чоп», «Киргоги йўк кўлдан без, хайири йўк элдан без», деганга ўхшаш сўзлари хисобсиз кўп, тўлиб ётибди.

Бу маколлардан нима чиқади? Маълум бўлди: козок тинчлик учун, илм учун, билим учун, адолат учун гам емайди экан, мол учун гам ер экан, бироқ ўша молни қандай топишнинг билмайди экан, бор билгани моли борларни алдаб олиш ёки мактаб олиш, бермаса, улар билан ёвлашиш экан. Молли бўлиш учун, отаси билан ёвлашишни хам уят кўрмас экан. Хайтовур, ўғирлик, кувлик-шумлик, тиланчиликка ўхшаган қилиқларнинг қайсисини қилиб бўлса-да, мол топса, айбдор демаслик керак экан.

Буларнинг ёш боланинг аклидан нимаси ортик? Бироқ ёш болалар ёниб турган кизил ўчоқдан кўркишарди, булар эса дўзахдан хам кўркмайди экан. Ёш бола уялса, ерга қарагучи эди, булар ҳеч нарсадан уялмайди экан.

Шуми уларнинг боладан ортиклиги! Кўлимиздагини уларга талатмасак, биз хам улардай бўлмасак, биздан беади экан. Излаган элимиз шуми?